



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 七二八

善思齋文鈔九卷善思齋文續鈔四卷善思齋詩鈔七卷

善思齋詩續鈔二卷 徐宗亮 撰

一

敬齋存稿二十卷 張諧之 撰

一八五

味靜齋文存二卷味靜齋文存續選二卷味靜齋詩存十六卷 徐 嘉 撰

三八一

味靜齋雜詩三卷 徐 嘉 撰

六五一

容川詩鈔四卷 蔣澤澣 撰

六九七

徐紫岑先生著述

戊午仲夏清道人



全書總目 都八冊

徐勇烈公行狀 一奉
善思齋文初鈔 九奉
善思齋文續鈔 四奉
善思齋詩初鈔 七奉
善思齋詩續鈔 二奉
黑龍江述畧 六奉
歸廬談往錄 二奉

徐氏藏版

協辦大學士湖廣總督李鴻章跪

奏再前任湖北督糧道徐豐玉安徽桐城縣人咸豐三年九月十三日在田家鎮督勇禦賊力戰陣亡經前安徽撫臣江忠源奏奉

諭旨交部從優議卹當經議給騎都尉世職及卹葬祭銀并與同時殉難之幕友文生吳沖謨等入祀本省昭忠祠在案茲准兩江督臣馬新貽咨稱該員死事甚烈請查核奏懇

加恩予諡建祠等因行司飭局查明詳請具

奏前來臣查徐豐玉平日官聲甚好田家鎮之役賊

奏疏

據半壁山大股上犯湖北礮船兵潰江忠源由江西來援轉戰不利該員出省堵剿率無援之兵禦方張之寇若因潰退倖圖苟全原難責以必死乃能見危授命大節凜然迄今士民猶為感慕近來司道大員有能力戰殉節多蒙

賜諡建祠以徐豐玉居官梗概死事情形論之允宜特邀曠典台無仰懇

天恩准予賜諡并於殉難及原籍地方建立專祠以表忠節而勵官箴其同時從難之文生吳沖謨家丁曹堃楊福并請一併附祀出自逾格

鴻慈謹會同兩江督臣馬新貽湖北撫臣郭柏蔭附片具陳伏乞

聖鑒訓示謹

奏

同治八年十一月初一日內閣奉

上諭李鴻章奏道員殉難甚烈請予諡建祠等語原任湖北督糧道徐豐玉於咸豐三年九月間在湖北田家鎮地方帶勇勦賊陣亡前經奉

旨交部從優議卹並入祀本省昭忠祠茲據李鴻章奏稱當大股賊匪上犯之時能以孤軍禦寇力戰殉節死

奏疏

二

事最爲慘烈徐豐玉著加恩准其予諡並於殉難及原籍地方建立專祠其同時殉節之生員吳冲謚家丁曹堃楊福並准其一併附祀以彰忠烈該部知道欽此

禮部爲移咨事祠祭司案呈內閣抄出陣亡湖北督糧道徐豐玉諡號奉

御章鈐出勇烈欽此欽遵到部相應抄錄諡號清漢字樣移咨湖廣總督查照可也須至咨者

計開

勇烈見義必爲日勇有功安民日烈

部文

三

禮部爲移咨事祠祭司案呈內閣抄出兩江總督沈葆楨片奏按察使銜前任湖北督糧道徐豐王經前臣奏請予諡建祠在案現在該故員原籍專祠告成懇請將該故員列入祀典由地方官春秋致祭等因於光緒元年十二月二十六日軍機大臣奉

旨著照所請該部知道欽此欽遵到部相應移咨該督轉行遵照可也須至咨者

部文

四

皇清誥授中憲大夫 例晉通議大夫按察使銜湖北督糧道顯考石民府君行狀

府君諱豐玉字子逢號石民姓徐氏世爲安徽桐城人先高祖考處士公諱樾少以家貧暮遊所至稱爲長者年八十餘而卒配姚太君有子二人曾祖考諱映琯公居長配項太君繼配李太君以無子早卒本生曾祖考諱映龍公世多隱德卒後鄉里間猶敬慕之配胡太君繼配方太君先祖考太僕公既貴兩世祖考乃並

贈通奉大夫山西布政使司布政使祖妣並

行狀

五

贈夫人太僕公諱鑄嘉慶己巳進士歷官山西布政使司布政使太僕寺卿生平事迹別具於狀配張太夫人年四十始生府君府君生而凝重不樂爲嬉遊少長卽刻意讀書寡調應過儕輩恆恂恂如不能言然偶一抗論世事輒能驚其長老嘗侍太僕公宦遊中外凡二十年舉當世士大夫賢否及所歷山川風俗府君悉心識之道光己亥府君年二十六矣而張太夫人卒又二年而太僕公卒又一年而方太夫人卒數年之間連遭大喪哀毀瘠立內外咸克盡禮人以爲難自是府君里居益內自刻

省不敢貽太僕公羞鄉前輩吳刺史庭輝素嚴正不妄許可時語於眾曰如徐君者可爲世族子弟法也癸卯瑛夷寇江甯安慶戒嚴里人頗惶懼府君欲爲鄉里保障計建議防守羣皆僂服乃知府君有經世畧非徒硜硜自守者也府君少攻舉子業不屑爲世俗委靡之文一以先正爲宗所師事若顧先生蕤曾先生斌朱先生枻之皆夙負文望莫不奇重府君而府君屢試南北闈卒不得一第以博太僕公歡府君以爲隱恨甲辰服闋乃援例就選授貴州平遠州知州時巡撫賀公長齡頗嚴

行狀

六

峻負氣府君初謁見思所以試其才適平遠有兩巨戶構訟經年厯控司院不能決面令府君鞠審批狀積文卷二尺餘府君先簪核之對詞畢直乙某甲某辭窮賀公初意直甲某頗不悅府君抗論數百言正當無頗賀公驚謝曰某不圖君之聽訟明決若是然某履任以來未有將此中情事剖明相告者今幸得君可補前過矣未幾遂檄赴平遠平遠處萬山中地瘠民貧甚喜訟每以毫末細故至蕩析生產不顧而土豪姦吏且樂爲左右以取其利府君下車伊始卽以嚴法重懲之其兩造至

庭卽行判斷無留滯者由是姦豪斂迹獄訟漸稀時行竊者頗眾府君廉知其爲貧所迫每犯至薄予以杖仍反覆開導戒以自新且給錢數百資爲生或更犯則重責之仍給錢使之去聞者初以爲怪後夜不閉戶無拾遺者州舊駐協鎮三營士卒頗驕橫滋爲民害府君與尙協戎宗軾爲莫逆交約公事互相糾察嘗謂文武一體其同城不相協者率皆以文輕武此兵民之所以不相安也府君暇則招協戎投壺賦詩一時文武僚佐皆從之游兵民於是胥靖平遠故文物之邦而以貧廢學者

行狀

七

甚眾自府君蒞治年餘嘗以文藝晉接都人士出俸金助其養膳其優者益獎勵之學業日盛乃創復鳳西書院立條約置書田以爲經久計二三年間舉於鄉者凡數人前此所未有也先是貴陽府同知某坐虧帑金落職知貴陽府某公致書府君如納金代償當爲圖此升陪府君以乘危取利非義且蹈躓進嫌婉言謝之丁未夏乃檄調府君署知威甯州事都人士惜府君去又以時方繕城垣修志乘事尙未竣謀赴新巡撫喬公用遷請留府君力謝卻之至期將行都人士走相送者爭舉酒

獻酬過肩與不得前府君亦徒步相答日暮始去其後吾母張淑人四十初度都人士撰屏障走數百里外爲府君及吾母稱觴一時傳爲美談府君之初至威甯也以民性狡悍好鬪常以飲食言語致死命者月凡十數非重法治之無以懲暴又地距省會甚遠一經文報則多轉手免罪者不足警眾於是設立木籠於四武置罪人其上絕飲食立死時有以非刑見誣者府君不爲動而大府亦頗以擅殺爲嫌久之悍俗漸格乃益大服有大盜安大本者居雲貴之交廣招黨類劫掠爲生而胥吏

行狀

八

陰與相通爲之耳目官出捐輒聞信遁去以故積案至數百起而盜首惡任不獲府君肅得通盜者主名召至內室密諭曰汝前通安大本事吾不與較此去但獲大本且重賞汝否則汝自戴頭來見可也遂收其家屬禁之未月餘乃獲大本府君馳啟大府請卽州中臬大本於市其黨皆處極刑遠近數百里歡聲若雷貴西道福公連威甯鎮善公燾時與府君同城初待府君頗任氣府君不爲屈繼傾服府君吏治皆殷殷下交府君亦誠敬事之由是上下無間言而公事胥治已而福公特聞

場聽民取利而歲納課金二千將啟大府具奏府君力爭之曰州治眉雲貴通衢良莠雜處安撫已屬不易一旦以謀利聚眾於歲稅無大裨益徒足啟民間強弱相爭之隙恐不免生意外之變且州地磽确寶氣偶見不可長恃若課金具爲成例將日後上供無出必有強行捐派之事不如已之而福公惑於羣小不納逾年果折賠課金始服府君遠識而悔無及矣初雲貴總督林公則徐聞府君治蹟將具疏薦之適鎮遠府屬之黃平以積盜甚巨無敢任其事者署巡撫羅公繞典意屬府君乃

行狀

九

會林公奏調府君知黃平州時已酉夏四月也黃平盜藪日革夷寨爲姦苗嘯聚之所其渠魁曰保禾羣奉之爲主而丹江清江台拱清平施秉所在諸苗寨胥與相應積數十年劫殺巨案以千百計延至湖南廣西近邊州縣無不受其害者前知鎮遠府某公欲調停其事懸賞議撫保禾偽許諾誘至山谷伏眾劫之某公易服潛遁不敢上聞由是鎮遠府屬諸文武皆慮以激亂罷官因循不敢捕而盜焰日熾大道無敢獨行者府君初視事召士民會營議勦咸畏蒞莫敢對府君知兵民氣餒造

次圖之恐致損威失事於是編查保甲清理屯軍而月歷鄉村問民間疾苦因密飭偵探覘賊虛實並圖其苗寨出入險要乃啟陳大府請兵會勦時林公引疾退而羅公亦去喬公入

親回任拒不納且飭營將毋以兵助徐知州滋事未幾府君自率練勇入高山擒獲姦苗數十人置於法高山者亦革夷之羽翼也保禾聞之戒其黨勿犯府君界而劫掠他邑如故有材官喬本入都道出施秉被劫且毀其本喬公諱其事以馬失足墮水聞當是時廣西姦民李世德凌十八洪秀泉楊秀清

行狀

輩以邪教惑眾作亂當事者畏懦粉飾將成蔓延府君以革夷姦苗勢已積重亟憂其乘起相應復上書喬公備陳利害請先圖之先後凡數千言喬公卒不悟府君乃分遣練勇逐日巡哨以護行李已而公車北上道出黃平適革夷姦苗劫掠他邑歸遇而劫之府君馳啟喬公始懼以諱盜見劾亟徵兵五千餉二萬往勦而今湖北巡撫胡公林翼實以知府總理其事於是府君調集屯軍土練萬人自爲前驅進攻革夷寨據山顛上中下三寨聯絡成勢其附近盜藪又有山丙沙邦擺牛白崖

黑寨等處皆深山密箐山徑迂迴姦苗每恃此拒捕而府君前圖進路甚悉至是鳴金舉礮登山奪寨羣苗大驚以爲神遂擁保禾遁去而家屬悉皆就擒火其廬舍得器械糧食無算時胡公坐鎮巖門距革夷寨數十里緝盜撫兵胥惟府君是責未幾大府議防廣西胡公遂統兵去府君獨駐固圍堡近寨爲營日率兵練塹山卒不得保禾已而保禾謀篡取家屬乘陰雨率眾犯固圍堡府君督兵練迎擊之姦苗舉礮前持蓋者中礮死兵練卻府君挺身前兵練乃復進格殺數十人皆盜首也是

行狀

時

今上御極之初庶政方新喬公已奉

嚴旨責問諱盜事並連接

廷寄保禾以下有名巨犯立即擒治蓋公車至都御史卽以風聞入奏而喬公始悔不早用府君言心甚憂之會府君以計擒獲姦苗計也等百二十人而保禾之勢始孤喬公卽奏以正月十五日苗俗張燈慶宴胡林翼率兵練掩至遂縛盜首數百人置於法既保禾就擒乃奏言餘盜悉平論功行賞請將在事諸文武升遷有差府君獨以地方官失察

功罪相抵於是官僚士庶咸爲府君不平至有欲爲入都訟功者府君謝曰吾爲地方官除害安良皆分內事耳何功之有且吾行年四十豈忍以人命博升階耶乃告固圉堡經理善後事宜其後署鎮遠知府某公聞保禾親屬有在逃者欲藉府君力致之因以爲功府君復調集兵練擒獲之而革夷山丙沙邦擺牛白崖黑寨等處悉定時州人感府君恩爭築祠於鄉祀府君而喬公以府君不自言功意益大慙會奉

詔諭中外大臣明保人才遂會總督程公喬采舉府君

行狀

三

復以卓異薦奏擢安順府郎岱清軍同知而檄署思州府知府時府治麻音塘鹽賈以扣勒運夫工價激眾怒數百人乘夜劫鹽賈戕斃甚眾知府朱某楊某皆以不獲盜參革府君抵任立擒首從數十人置於法而歸功朱楊以圖復職未幾乃奉

特旨簡授湖北黃州府知府先是雲南巡撫張公亮基

入

觀道出黃平欲見府君詢勦苗始末府君辭不見而張公道與鄉民言及勦苗事咸感戴府君遂具疏薦之故有是

命其後有謂府君宜以世俗門生禮見張公者府君曰張公爲天下求人吾豈得爲張公私哉卒不可時以爲倣成豐壬子府君以引

見入都

召對時問及勦苗事府君對如喬公所奏言

上大嘉悅之府君既抵黃州感

上知遇恩益自強於政治以圖報稱而每聞廣西逆賊破陷州縣諸將帥坐擁重兵久而弗平輒仰天太息恨不得尺寸柄殺賊以紓

宵旰憂剛賊勢猖獗竄入海南境湖北大震黃州居民

行狀

三

爭移家遠避府君愷切諭止之且以全家在署爲言民心稍安時巡撫常公大涓以防堵事宜遍詢所屬府君請以重兵駐岳州爲湖南聲援而飭諸州縣舉行團練以安民生以詰姦宄常公不能用府君自與漢黃德道王公壽同議防守上書大府請兵請餉以資下游重鎮未報而逆賊已圍長沙張公亮基時巡撫湖南奏調府君軍前委用秋九月府君遂赴長沙是時逆賊不及萬人益以土賊附從者不過數萬人而我兵環集百十餘營與賊相持府君初謁張公亟請擇取地方忠誠士大夫

招徠土賊勿惜金錢以資安撫而日行視諸營挑選精卒更番出戰使賊疲於奔命則逆焰漸以衰熄張公以兩廣總督徐公廣緒方奉

命接辦兩廣兩湖軍務節制諸軍未至營不欲專命由是賊勢日眾攻城愈急府君以言不見用憤懣無計乃請分守西三門晝夜巡察不懈南城數圯仍督守西城不動府君時有論兵事書畧曰今賊攻長沙城幾陷者數矣幸得和鎮軍鄧參將奮勇保護身受重傷猶復揮兵直前始得轉危為安惜當事者名為各懷意見實則一無主見以致兵將非

行米

古

不用命而祇知作防守之謀不能為勦除之計一經分竄何有了期為今之計乘此大兵雲集併力攻勦逆首全獲策之上者也勦除大半餘黨四散分兵追討策之次者也全股逃竄逼同廣西策之下者也力不能制任其所之則竄湖北不如竄江西竄江西不如竄貴州蓋邊省不過一隅尚不至搖動全局此岳州之守宜嚴於常德常德之守宜嚴於寶慶而三處兵力皆單守土之人安能奮空拳而禦寇耶冬十一月賊知長沙難破果潛由益陽掠船赴岳州岳州文武棄城逃賊遂直撲武昌

而徐公始至長沙府君力請統大兵進援不聽乃上書請由間道歸武昌辦理軍務徐公許之行至岳州而武昌失守府君復謁徐公曰事急矣武昌失守賊必順流直下江西江南皆將不保公盍速即移節赴黃州截賊下流

望明在上當用人之際必不遠罪公即得罪亦宜速退之無使猖獗大臣任事當為

國家計利害不當計一身生死徐公謂府君黃州官故欲其駐黃州府君曰某奉調在外黃州即失罪不及某特為天下大局計耳卒不聽賊果東下安慶

行米

主

江甯俱陷而徐公亦被罪逮問矣癸丑春二月張公移署湖廣總督府君乃從至湖北始奉湖北督糧道之

命蓋

特恩也是時賊甫東下流亡相聚勢洶洶府君亟請張公籌辦撫卹並上善後便宜三十事而布政使某公忌而排之多不果行其後張公以府君洞悉黃州以下情形奏署漢黃德道黃州時無官吏土匪肆行府君至誅其魁數人民乃安未幾乃有廣濟民變之事初

上以沿江州縣被賊焚掠者甚眾分別緩征知廣濟縣蔡潤琛貪鄙不法被焚掠處概征之且米石加賦錢九百民不服姦民宋開佑方士相等因率眾倡亂劫潤琛丁役毆之潤琛懼遁入黃州府君遂委黃州府知府邵公銓往查辦調黃梅縣知縣鮑君開運兼理廣濟縣事鮑以武勇聞率親兵數百先至急圍宋被寇之官民王氏家王氏謀拒之不敢被焚者數人衆不聽命邵乃出示諭投首者免罪開佑士相等散未決某典史以語激之亂遂聚數千餘言投首邵備鮑出關佑士相等鼓

行狀

十六

譟前戕鮑誤及邵俱沒事聞張公飛札提督阿公某按察使江公忠源統兵與府君往勦府君亟啟張公曰小民爲貪吏所迫非作亂也方今粵賊披猖急持之卽與賊合成巨禍某請自往誅其首戕官數人足矣於是駐兵郊外先出示諭眾解散被焚掠者免征未被焚掠者納賦爲首戕官者地方紳獻關佑士相等益懼乃煽惑愚民曰官兵至無少長皆將斬不如抗拒益聚眾十數萬不從者其焚掠之時阿公年老不習事惟府君與江公是聽府君與江公每戰率兵勇先擒數十人誅其首餘

給示釋歸使諭鄉民毋恐毋助賊關佑士相等遂率眾乘夜襲大營周營十餘里喊殺聲震地府君與江公令營中燭盡滅兵勇持器械備火藥繩無譁而營外炬火光如晝賊不見我兵我兵洞見賊賊來逼營府君與江公大呼殺賊兵勇奮聲應奮勇出擊賊死者將及千人乃潰兵勇前追府君與江公諭止之時方士相等及亂首數人皆死惟宋開佑遁關府君懸賞購之急關佑謂其親屬曰汝等各投首以緩吾罪吾將易姓名他遁矣既至嚴勸之卒不得聞佑遁處遂置數人於法而安撫鄉民

行狀

十七

使各復舊業分別緩征悉遵

信廣濟乃定府君於是加按察使銜已而粵賊之據江甯者由安慶上竄江西江公統兵赴援去夏六月張公奏調府君駐兵田家鎮總理湖北防堵軍事新授漢黃德道張公汝瀛副之田家鎮者距廣濟縣七十里蓋兩湖江防之要害也江至荊州始聞武昌會漢水始大至田家鎮江面極仄鎮在江之北後有大山曰黃金塔鎮之上小山曰老鼠山再上曰磨盤山鎮之下大山曰羊子山前有湖汊通鎮半里上則有沙嘴出江中與南岸半壁山對半

壁山陡絕水極溜山上無縫路船至山下必順回溜過岸北沙嘴乃得上府君列營諸山兼防賊陸路入又於沙嘴紫木牌夾棉絮竹片中作城其上礮不能穿而沿城鑿穴列礮位賊船至沙嘴礮轟擊無不碎者半壁山後爲湖通興國州其入湖曰富池口府君欲營於半壁山而兵軍不可分遣一都司駐兵山上瞭望是時賊壘南昌自九江以下賊船上下無敢過問者府君日令削木版千百方書告示納江流中諭脅從者來歸免死給路費於是投誠四散者無算秋八月賊以南昌守備嚴且

行狀

十六

益以江公援兵善戰遂解圍去而率其大隊犯湖北二十九日白帆蔽江賊由九江進據富池口先分礮船泊羊子山下直擊我營府君堅守不爲動轉以礮擊卻之翌日賊分黨登岸由羊子山過湖汊撲大營府君欲出兩路兵分賊勢遣水戰礮船出江攻富池口自營岸上兵與賊戰礮船將出江不戒於火延燒諸火器岸上兵驚顧退府君大呼退者斬賊前追力戰卻之九月一日賊仍由羊子山過湖汊撲大營府君督兵出戰預遣都司董某伏羊子山側戰方急出兵要截之賊大敗死者數

行狀

十九

百人越日府君出木牌攻賊賊眾退據富池口不出是時府君所統兵勇僅三千水戰礮船八艘又不足用屢告急於武昌而張公已奉改撫山東之命將督兵來援巡撫崇綸乃議棄田家鎮留張公域守自衛張公力爭之乃遣署按察使唐樹義統兵二千兼理軍需局同知勞光泰統礮船二十五接應田家鎮府君請飭急不與第檄催黃州府屬桑翰銀助之又託言防堵陸路屯兵廣濟縣然陸路實無一賊檣義卒不遇兵赴援賊之據富池口也府君屢遣兵攻之不克恐其有備待之十一日賊自興國掠船數百人數千而出知府李公樞者自統練勇三百至營謁府君曰不入虎穴焉得虎子請率所部攜賊營府君壯之令副將張金甲率兵勇千餘助焉李公渡江登南岸直至富池口斫賊營賊大譁棄營走李公忽陷於潦金甲在後望之策馬狂奔兵勇隨之潰賊返追李公死之時勞光泰所統礮船亦出戰方舉礮即反賊遂進攻木牌府君督兵擊卻之而南岸返追之賊已乘勢占半壁山山上下賊列營五與木牌相對徹夜以礮擊木牌府君督守不爲動越日賊又分礮船泊羊子山

下府君督兵擊之賊不出有某營告奮勇奪半壁
山寨須犒金三千以餉不足而止江公適自南昌
統兵繞道至謂府君兵單賊眾大吏又牽制不如
退守武昌府君不可自賊據富池口至是凡十五
日府君與張公晝夜督戰守衣不解帶倦則曲肱
臥片時即起面容憔悴作青黑色自知功不能就
謂張公曰吾與君受

國恩厚死誠不足惜奈兵民何相與泣下者久之是夜
東北風大作賊船之在富池口者潛渡北岸黎明
風逾熾又大霧賊遂縱火燒木牌乘勢攻張公前

行狀

三

營張公死之而賊之據半壁山者已乘風登舟渡
北岸攻後營羊子山之賊仍由湖汊過縱火燒田
家鎮及大營時府君同營調兵將出戰兵將皆逃
散無一存者江公亟欲退保武昌先率兵奪路去
勞光泰所統礮船前一夕遁矣府君乃躍馬出營
手刃賊賊來愈眾僕從輩曳府君行府君怒叱之
使去遂以佩刀自刎墜馬賊眾戕之沒時咸豐癸
丑年九月十三日辰時也嗚呼痛哉府君嘗慨兵
興以來各省但防堵而不會勦非善策又以賊之
得上竄者一失於梁山不守再失於安徽改省於

是銳意保障兩湖欲俟賊退後奏請進兵堵梁山
與諸軍會勦且擬疏極言安徽險要不可棄而改
省廬州非計乞張公代奏乃竟齋志以沒知與不
知皆爲天下惜之始府君擢糧道時布政使某公
賀曰君幸調湖南大營否則正月破黃州君適當
其厄矣蓋某署府以棄城獲罪也府君拂然曰君
安知某爲負

國者間言及當世殉節諸臣與大吏失機事輒流涕曰
臣事君以義顧名計子孫死節已非純臣況忍辱
偷生者耶方駐兵田家鎮

行狀

三

數日遣歸諭之曰家事汝好自爲之吾此身不爲
家有矣蓋府君以身殉

國之志早自決之如此嗚呼痛哉府君持已素嚴人望
之生畏不敢干以私然性慷慨樂施予鄉之人乞
資助者分俸遺之務各得其歡心而去其遇事能
虛心受益不沒人之善雖僕御亦然故所用嘗得
其死力在官十年不持一錢歸惟以民生利害爲
急嘗語

不孝宗亮

曰天地間無不可爲之事但盡

得一分心力終見得一分效驗不可爲利誘勢權

少有回護故府君歷仕所至輒留遺愛雖不免見

忌庸眾而正人君子聞其名者莫不敬慕生平不事著述每公暇則吟諷古人詩自遣在軍亦然時以儒將目之舊有黔楚尺牘若干卷兵謀政畧多見於此惜皆散失未及錄副本刊行此 不孝宗亮終身之憾也府君生於嘉慶癸酉年九月十五日戌時卒年四十有一

誥授中憲大夫湖北督糧道

例晉通議大夫按察使銜以咸豐戊午年夏四月初四日葬於邑北鄉之古塘汪家凹配張氏同里候選訓導嚴貢生諱雲錦女

行狀

三

誥封恭人

例晉淑人卽吾母也子一 不孝宗亮娶方氏同里福建

漳州府知府諱寶慶女女二長適同里陝西漢中府留壩廳同知張君召虎子國蘭次字同里東河候補主簿吳君寶鑑子國章孫二惠疇調鼎初府君旣沒之後十日廣濟縣知縣陳君肖儀遣人覓府君遺骸視含斂而送之歸亟以狀申啟大府具奏奉

旨從優議卹入祀京師及本籍府城昭忠祠給騎都尉世職襲次完時恩騎尉世襲罔替並卹銀四百兩

葬銀三百兩一次致祭銀十六兩如制 不孝宗亮竊念府君生平志事例得登諸

國史光垂後世而昏愚無狀不能表揚萬一謹就見聞所及瀝血撰狀其遺事弗及詳者概從缺畧不敢飾詞益美以累府君焉伏冀大人先生賜之傳表銘誄世世感且不朽

不孝孤子宗亮泣血謹狀

賜進士出身

勅授文林郎翰林院編修前提督四川學政加一級世愚弟同紹基頓首拜填諱

行狀

三

先祠碑陰記

惟我先公既歿之十有七年

今皇帝以大學士湖廣總督合肥李公鴻章言

賜諡勇烈其殉難及本籍地方各建專祠於是孤子

宗亮卜建本籍專祠故第前西城大街時距奉

詔之日又五年矣先是軍事方興

廷議旌忠祇遵舊典祠蒙

特恩加等道府諸臣亦拜專諡特祠之

旨而前此已邀

贈卹者不復追論宗亮私心痛之嘗泣陳於湖北巡

碑記

五

撫益陽胡文忠公許以復皖爲期及期而文忠遽

薨其後吏部主事嘉興錢君應溥內閣中書同邑

吳君汝綸代陳於兩江總督湘鄉曾文正公幾有

成矣文正旋改督直隸而罷已而河東河道總督

徐溝喬公松年以告兩江總督荷澤馬端愍公因

屬李公近考事實湖北布政使香山何公璟證諸

輿論以狀上李公乃具疏入

朝而先公以死勤事之故益大白天下後世豈非天

哉初先公之在官也欲廣第前姚氏居不果寇亂

既息姚氏舉遺址相售今據以爲祠是也祠左右

故祀史督師黃靖南二公春秋時享守土吏類從

而使鄉人追維先公卜鄰之志慨慕久之而孤燬

罔極之痛彌無涯已祠經始壬申八月落成癸酉

七月實中止百二十日倡助資者先友子提督廬

江吳公長慶姑壻雲南候補道同邑張公同壽繼

之嗣是安徽巡撫滿洲英翰公江蘇巡撫合肥張

公樹聲提督合肥唐公定奎後先相助而李公復

以直隸總督開府天津宗亮航海而北乞書至安

徵予世職十五年倖乃獲藏事凡用白金三千

五百有奇堂廡門庭簋豆尊俎一依

碑記

五

會典而具營度會計則邑友吳君恆光舅氏張君維

翰族叔宜禮實相始終宗亮既奉主人祀謹拜手

稽首摹奉

今皇帝諭旨於碑以昭

國恩以光先烈而中外諸公扶植人倫盛軌述諸碑

陰俾世世子孫感慕無極同治十有三年歲在甲

戌春三月孤子襲職騎都尉宗亮謹記

幕友吳君傳

君名冲謨字思恆桐城人也吳氏故桐世族而君祖侍御公兄弟敦尚質行有德望於鄉其家法尤爲士大夫宗君自少慎默寡言動必依禮旣爲諸生以家貧出遊人皆樂其和而介也爭爲之主咸豐癸丑秋七月先府君督糧湖北防堵田家鎮延君爲掌書記凡帷幄謀議多與參決時賊犯江西九江上下賊船往來甚眾君嘗自請督水師巡江遇賊船輒以投誠免死諭脅從請於先府君給資令歸先後散者千餘人先府君嘗指以示將士曰

附傳

三

吳君書生耳其勇往若是已而賊犯田家鎮先府君力戰十數日而歿君從之九月十三日也先是君戚某有在營者方與君共事聞賊至私約君去君怒曰汝去卽去耳勿以非義污我當賊勢之既熾也先府君知不可支亟解印授君由間道投行省而君不忍去也故及於難君有子一曰兆蕙聰俊能讀書人皆謂異日能世其家云

徐宗亮曰始君之死鄉人有疑詫者蓋君生平和易近人其於慷慨激發之致或未稍露端倪也世固有侈言忠義而猝遇小小利害嗒焉而自喪者

其視君之死爲何如耶君死事子詢之家僕藍春得其詳因並其生平次之如此

附傳

三